



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU **STRANKE REGIJE LIVNO**

Broj: 03-07-6-401/12
Sarajevo, 15. novembar 2012. godine

SADRŽAJ

| | |
|-----------------------------------------------------------|---|
| MIŠLJENJE REVIZORA | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 4 |
| Predmet pregleda i kontrole | 4 |
| Cilj pregleda i kontrole | 4 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE | 5 |
| 5.1. NALAZI..... | 5 |
| 5.2. PREPORUKE | 6 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja STRANKE REGIJE LIVNO za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. STRANKA REGIJE LIVNO prekršila je odredbe člana 11. stav (1) i stav (3) Zakona o finansiranju političkih stranaka.**

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja STRANKE REGIJE LIVNO za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja STRANKA REGIJE LIVNO je ostvarila ukupne prihode u iznosu od 370,00 KM, čija struktura je data u sljedećoj tabeli:

| Red. br. | Vrsta prihoda | Iznos u KM | Učešće u uk. prih. % |
|----------|------------------------|---------------|----------------------|
| 1 | Članarina | 170,00 | 45,95% |
| 2 | Prilozi fizičkih lica | 0,00 | 0,00% |
| 3 | Prilozi pravnih lica | 0,00 | 0,00% |
| 4 | Prihodi od imovine | 0,00 | 0,00% |
| 5 | Prihodi od pr.lica | 0,00 | 0,00% |
| 6 | Prihodi od poklona | 200,00 | 54,05% |
| 7 | Prihodi iz budžeta | 0,00 | 0,00% |
| | Ostali prihodi | 0,00 | 0,00% |
| | Ukupni prihodi: | 370,00 | 100,00% |

U godišnjem finansijskom izvještaju stranka je iskazala ukupne rashode u iznosu od 150,00 KM.

2. PREDSTAVLJANJE POLITIČKE STRANKE

Naziv političke stranke: STRANKA REGIJE LIVNO. Skraćeni naziv: SRL.

Dana 26.04.2010. godine, STRANKA REGIJE LIVNO je upisana u registar Općinskog suda u Livnu rješenjem broj: 068-0-F1-10-000 001.

Sjedište političke stranke je u Livnu, Kneza Višeslava 3b.

Za zastupanje stranke ovlašten je Antonio Džaja, predsjednik.

Lice ovlašteno za podnošenje finansijskih izvještaja za 2011. godinu je Antonio Džaja.

Prema podacima iz godišnjeg finansijskog izvještaja za 2011. godinu, STRANKA REGIJE LIVNO nema niže nivoe organizovanja (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj STRANKE REGIJE LIVNO za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja STRANKE REGIJE LIVNO obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Obavljen je pregled godišnjeg finansijskog izvještaja STRANKE REGIJE LIVNO za 2010. godinu, nakon čega je izdat izvještaj o pregledu sa mišljenjem revizora i nalazima. Prema mišljenju Službe za reviziju, STRANKA REGIJE LIVNO je u izvještajnom periodu postupala u skladu sa odredbama Zakona o finansiranju političkih stranaka.

5. NALAZI I PREPORUKE

5.1. NALAZI

STRANKA REGIJE LIVNO prekršila je odredbe člana 11. stav (1) i stav (3) Zakona o finansiranju političkih stranaka.

- (1) Uvidom u godišnji obračun SRL (bilans uspjeha) za 2011. godinu, utvrđeno je da stranka nije iskazala troškove zakupa i prihode po osnovu nenovčane donacije, odnosno da nije evidentirala sve prihode i rashode, čime su prekršene odredbe člana 11. stav (1) Zakona o finansiranju političkih stranaka.
- (2) Na osnovu obavljene kontrole, utvrđeno je da je STRANKA REGIJE LIVNO prekršila odredbe člana 11. stav (3) Zakona o finansiranju političkih stranaka jer godišnji finansijski izvještaj nije popunila u skladu sa odredbama Pravilnika o godišnjim finansijskim izvještajima političkih stranaka.

Pregledom je utvrđeno da stranka nije u obrascima 4 (ukupni rashodi) i 4-1 (režijsko-administrativni i ostali troškovi) iskazala troškove zakupa u iznosu od 200,00 KM, čime je prekršila odredbe člana 20. i 21. Pravilnika o godišnjim finansijskim izvještajima političkih stranaka.

Osim navedenog, utvrđeno je da podaci o prihodima od članarine iskazani u obrascu 3 (ukupni prihodi političke stranke) godišnjeg finansijskog izvještaja ne odgovaraju podacima iz bilansa uspjeha stranke. Naime, stranka je u obrascu 3 (ukupni prihodi političke stranke) iskazala prihode od članarine u iznosu od 170,00 KM, dok je, prema podacima iz bilansa uspjeha, ostvarila prihode po osnovu članarine u iznosu od 80,00 KM.

Kontrolom je utvrđeno da podaci o novčanim sredstvima na dan 01.01.2011. i 31.12.2011. godine iskazani u bilansu stanja na dan 31.12.2011. godine ne odgovaraju podacima koje je stranka iskazala u obrascima 2 (pregled prometa svih transakcijskih računa) i 2-1 (pregled stanja blagajne) godišnjeg finansijskog izvještaja.

Uvidom u bilans stanja na dan 31.12.2011. godine, utvrđeno je da stranka na dan 31.12.2010., odnosno 01.01.2011. godine nije imala novčana sredstva, dok je u obrascu 2-1 (promet blagajne) iskazala početno stanje u iznosu od 100,00 KM. Isto tako, stranka je u obrascu 2-1 na dan

31.12.2011. godine iskazala sredstva u iznosu od 100,00 KM, dok je prema podacima iz bilansa stanja na dan 31.12.2011. godine raspolagala sredstvima u iznosu od 5,00 KM.¹

5.2. PREPORUKE

Preporučuje se STRANCI REGIJE LIVNO da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da, u skladu sa odredbama člana 11. stav (1) Zakona o finansiranju političkih stranaka, vodi evidencije o svojim prihodima i rashodima, i*
- *da, u skladu sa odredbama člana 11. stav (3) Zakona o finansiranju političkih stranaka, finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, STRANKA REGIJE LIVNO nije dostavila primjedbe na Preliminarni izvještaj o pregledu godišnjeg finansijskog izvještaja za 2011. godinu.

Mr. Hasida Gušić, šef Službe za reviziju

Sanja Čabrilo, revizor

¹ Stranka je u bilansu stanja na dan 31.12.2011. godine iskazala novčana sredstva u iznosu od 25,00 KM, od čega se 20 KM odnosi na novčana sredstva na transakcijskom računu.